

tor, qua passim in Ecclesia baptisma confertur suis ritibus ac ceremoniis; *privata* denique ea est, qua gravi impellente necessitate, quovis loco ac tempore, item sacramentum administrari consuevit.

Itaque baptismi *solemnis* minister proprius et ordinarius est episcopus; *publici* est sacerdos, delegatus vero et extraordinarius est diaconus; *privati* denique quilibet esse potest sive clericus, sive laicus, sive masculus sive femina, nec non haereticus et infidelis.

Circa baptismi solemnis et publici ministrum ordinarium et extraordinarium nulla nobis est controversia cum protestantibus; quare in hoc tradendo doctrinæ capite breves esse possumus, non item vero in altero capite vindicando ob dissensionem calvinianorum, de qua modo diximus.

PROPOSITIO I. — *Sacramenti baptismatis ministri ordinarii sunt episcopi et presbyteri, extraordinarii vero et ex delegatione, diaconi.*

Est certa quoad singulas suas partes. Ac primo quidem episcopos ordinarios esse hujus sacramenti ministros, nunquam dubitatum fuit. Tales præterea esse presbyteros, *subordinatos* tamen, constat ex Eugenio IV. qui in suo decreto, seu instructione pro Armenis, aperte tradit: *Minister hujus sacramenti baptismi est sacerdos, cui ex officio competit baptizare* (1). Inniuit autem haec doctrina in sensu Ecclesiæ traditionali, quæ semper illa Christi verba: *Euntes docete baptizantes*, quod attinet ad collationem baptismi, intellexit tam de episcopis, quam de presbyteris. Sane constitutiones apostolicae permittunt baptizare *solos episcopos ac presbyteros ministrantibus diaconis* (2). Sie Innocentius I. pro certo habet presbyteros baptizare seu extra episcopum, seu præsente episcopo (Ep. XXV. ad Decent. n. 6.). Imo innuit doctrina haec apostolorum agendi ratione, ut colligitur ex Act. X. 48. ubi Petrus Cornelium ejusque familiares per alios baptizari jussit, atque ex I. Cor. I. 15. et seqq. ubi apostolus proficitur nonnisi paucos a se baptizatos esse, addens: *Non enim misit me Christus baptizare, sed evangelizare*. Quare Act. XIX. idem apostolus aliorum ministerio baptizavit duodecim Joannis discipulos, quibus postea ipse manus imposuit.

Quod si interdum nonnulli patres episcoporum facultatem exigere videntur, ut presbyteri tingere possint, vel de solemní baptismi administratione intelligendi sunt (3), vel de servando ordine in ecclesiastica politia et recta regimini forma, juxta quam par erat, ut quum baptizantium episcoporum copia suppetaret, presbyteri ab eo munere se temperarent, licet sui or-

nensis locus. Pura sunt antiquorum testimonia pro Epiphanius' die. Hac præsertim festivitate Siculi baptizari amabant; quod s. Leo M. ep. XVIII. n. 2. et 9. improbat. S. Greg. Nyssen. ea ipsa die orationem ad baptizandos habuit. Morem eundem adstrinxerunt s. Greg. Naz. orat. XL. Joan. Moschus in Prato Spirit. cap. 214. et Rutherford Veron. Serm. I. de quadriga. Plura alia Cf. apud Constant. Epist. Rom. Pontif. in adnot. ad epist. s. Syrici ad Hieronim. col. 626.

(1) Apud Hard. Acta Conc. tom. IX. col. 438.

(2) Lib. III. cap. 11. *καὶ πάντοις ταῦταις ταῖς περιστάσεις*. Cfr. apud Coteler. op. cit. cum notis appositis. Id ipsum constat ex can. apostolic. XLVII., XLVIII. et L.

(3) Ita quidem catechismus Rom. part. II., n. 22.

dinis proprio, prout neque nunc temporis omnibus indiscriminatim presbyteris licet baptisma conferre, sed solum ex parochi licentia; vel denique haec patres illi docuerunt, ut commonefacerent, presbyteros non esse nisi ministros *subordinatos*, prout supra animadvertisimus (1).

Diaconos porro ministros esse extraordinarios ablationis sacramentalis constat ex actis apostolicis VIII. 38. ubi Philippus diaconus baptizasse perhibetur eunuchum, et v. 12. baptizasse viros et mulieres. Jam vero cum id præstisset ex apostolica delegatione, eruitur ex sensu totius antiquitatis, in qua diaconi exhibent tantum ut ministri extraordinarii hujus sacramenti. Diaconis enim nullum in ecclesiastico ordine sacramentum perficere conceditur; sed hoc dumtaxat, ut eorum, quæ perficiuntur ministri sint, ut loquitur s. Epiphanius (2); et ante ipsum constitutiones apost. aperire ferunt illos non baptizare (3). Scilicet ex munere proprie sue. Aliquando enim hoc sacramentum collatum ab iisdem fuisse aut conferri posse quum *necessitas extrema compellat*, patet ex cap. Diaconus (4), quod ex epistola Gelasii ad episcopos Lucaniam de promptum est. Isthæ autem necessitas aestimabatur ex opportunitate baptismi conferendi et absentia episcopi vel sacerdotis: ut ex concilio Illiberitano colligitur (5). Imo constat, in Ecclesia romana in pascatis peregrinio diaconis antiquitus indulximus fuisse baptizare, propter ingenitum eorum multitudinem, qui ad baptismum accedebant (6); quod pariter passim præstabant in diaconiis,

(1) In antiqua Ecclesia rigidior disciplina viguisse videatur circa ius conferendi baptisma, quod uni fere episcopo tributatur. Nam s. Ignatius, Epist. ad Smyru. cap. 8, scribit: *Non licet sine episcopo, neque baptizare*; Tertull. lib. de bapt. cap. 17: *Dandi quidem (baptismi), inquit, habet ius summus sacerdos, qui est episcopus, deinde presbyteri et diaconi, non tamen sine episcopo auctoritate*. S. Hieronym. Dial. adv. lucif. *Unde venit, ut sine episcopi iussione neque presbyter neque diaconus ius habeam baptizandi*. Quocirca, ubi episcopum absens contingebat, baptisma diuersus pascha et pentecostes solemniter conferri consuetum omittebatur, ut pluribus ostendit eruditus Martene, De antiqu. Eccles. ritibus, tom. I., lib. 1, art. 5. Cum igitur pertinuerit presbyteri baptizare, *etiam præsente episcopo*, ut in Epist. X. S. Syrici, cap. 4, subaudiendum est et *jubet*; sicut cum Concilium Hispanense II. an. 619 celebratum, cap. 17, decernit: *Neque coram episcopo licere presbyteris in baptisterium introire, nec præsente antistole infantum lingere, subintelligendum est: nisi ipse jubeat*. Hac ratione facile componuntur et conciliant illa decreta in speciem pugnantia, et antiquæ disciplinae inveniuntur consonantia, ut advertit Constant. loc. cit. Ceterum, cum S. Ignatius loc. cit. addat, presbytero sine episcopo haui licere, *neque agape celebrare*, id est, Eucharistiam conficerre, ac apud omnes exploratum sit, presbyteri jus ordinarium competere consecrandi eucharistiam, sic dubitari nequit, veteres, cum interdicunt ipsis baptizare sine licentia episcopi, minime admovere iisdem voluisse jus ordinarium baptizandi. Id unum propterea volunt, hoc ius, utpote subordinatum, non potuisse a presbyteris in praxim deduci abusque episcopi iussione et facultate.

(2) Hæres. LXXXIX, n. 4 edit. Petav. *Καὶ πάντα δάκωντα τὴν εὐαγγελισμένην τάξιν λεπτούντας την περιπέτειαν την επιβάσιν, ἀλλὰ μόνον δάκωντα τὰ λεπτούντα*.

(3) Lib. VIII., cap. 28, ubi aperte dicitur: *δάκωντα... οὐ πατεῖται. Diaconus... non baptizat.*

(4) Distinct. XCIII., cap. 15, edit. Pithei.

(5) Can. LXX., qui ita se habet: *Si quis diaconus regens plebem, sine episcopo vel presbytero, aliquos baptizaverit, episcopus eos per benedictionem perficere debet. In quæ canonom efr. Albaspinæus et Card. de Aguirre, tom. I., collectionis maximaæ concorditorum omnium Hispanie.*

(6) Id patet ex Epist. X. Syrici ad Episc. Gall. cap. IV.

in quibus ipsi plebem regebant, ut liquet ex cit. concilio Illiberitano. Hac ratione exponitur, quod in diaconorum ordinatione dicitur: *Diaconum oportet ministrare ad altare, baptizare, et prædicare*. Que verba significant quidem, diaconos vi proprio ordinantis idoneos effici, ut ad prædicandum ac baptizandum assumi seu deputari possint; sed non excludunt mandatum et delegationem, prout autumnum Cellotius (1) contendens inde, diaconis jus competere conferendi baptismum *ex officio*. Apposite ostendit s. Thomas diaconos præcise institutos esse, ut ministerium adhuc aliis majoribus (ordinibus) in sacramentorum exhibitione (2).

Cum circa hanc propositionem nulla, ut diximus, sit nobis cum protestantibus controversia, ac si quæ orientur difficultates in conciliatione veterum monumentorum, præoccupatae jam fuerint, supervacaneum ducimus eas proponere.

PROPOSITIO II. — *Necessitate cogente a quocumque, sive masculo sive femina, ino et ab haeretico et infideli baptismus valide ac licite administrari potest.*

Spectat hæc propositio ad fidem, ut constat ex concilio Lateranensi IV. cap. Firmiter, ubi hæc sancta sunt: *Sacramentum baptismi, quod ad invocationem individua Trinitatis... consecratur in aqua, tam parvulis, quam adultis, in forma Ecclesiæ a quocumque rite collatum, proficit ad salutem* (3); et clariss. etiam id ipsum decretem est ab Eugenio IV. in *Instruct. Armenorum*: *In casu autem necessitatis, inquit, non solum sacerdos, vel diaconus, sed etiam laicus vel mulier, immo etiam paganus, et haereticus baptizare potest* (*Ibid. loc. sup. cit.*).

Sane quod ad laicos attinet, valide ac licite eos posse urgente necessitate baptismum conferre, patet ex Tertulliano ita scribente: *Alioquin et laicus ius est* (*Lib. De baptismo cap. 17.*), nempe conferendi baptismum de quo hic loquitur; tum ex s. Hieronymo, qui id pro certo sumit dicens baptizare, *si tamen necessitas cogit, scimus etiam licere laicos* (*In Dial. cont. Lucif. n. 9. ed. Vallars. tom. II. col. 282.*); necnon ex s. Augustino, qui disserens de baptismio a laicos collato: *Nulla, inquit, cogente necessitate si fiat, alieni munera usurpatio est; si autem necessitas urgeat, aut nullum, aut veniale delictum est* (4). Demum, ceteris omissis, id ipsum constat ex concilio Illiberitano, quod jam statuerat posse fidem, si Ecclesia in proximo non fuerit, peregrinante catechumenum in necessitate infirmitatis positum baptizare (5). Nec pluribus opus est documentis, cum id aperte receptum fuisse ab ipsis Ecclesiæ inveniatur fateatur ipse Calvinus scri-

n. 10, ubi hæc leguntur: *Paschæ tempore presbyter et diaconus per parochias dare remissionem peccatorum [per baptismum] et ministerium impiere conserverunt, etiam præsente episcopo in fontem quoque ipsi descendunt.*

(1) De Hierarchia et Hierarchis, lib. vii, cap. 15.

(2) Part. III., q. 67, art. 1. Sane in cit. epist. s. Syrici post adducta verba pergit S. Pontifex: *diaconis vero nulla licentia (baptizandi) invenitur esse concessa.*

(3) Apud Hard. Acta Conc. tom. VII., col. 17.

(4) contra epist. Parmen. lib. II., cap. 15, n. 29.

(5) Cau. XXXVIII., quem inferius integrum afferemus.

bens: *Quod autem multis abhinc seculis, adeoque ab ipso fere Ecclesiæ exordio usu receptum fuit, ut in periculo mortis laici baptizarent, si minister in tempore non adesset, non video, qua firma ratione defendi queat* (*Instit. lib. IV. cap. 15. § 20.*). Ast defenditur perpetuo ipso Ecclesiæ usu.

Valide præterea ac licite tum ab haereticis tum ab infidelibus baptizata, mortis periculo impendente, administrari posse, ab iisque peti ac suscipi ex dictis colligi facile potest. De haereticis jam nullum dubium superest, et ab adversariis ipsis admittitur (1). Enim vero, ut alias ostendimus, validum est baptisma ab ipsis rite collatum, legitime igitur in necessitatibus casu ab iisdem administrari ac suscipi potest, cum impellente necessitate, quisque possit ac debeat meliori, qua fieri potest, ratione proprie saluti prospicere.

Circa valorem baptismi ab infidelibus collati licet ancesps aliquando haserit s. Augustinus, inclinavit tamen in partem affirmativam. Etenim lib. II. contra epist. Parmeniani: *Hæc quidem, inquit, alia quæstio est, utrum et ab iis, qui numquam fuerunt christiani, possit baptismus dari: nec aliquid temere inde affirmandum est sine auctoritate tanti concilii, quantum tantæ rei sufficit* (*Cap. 13. n. 50.*). Deinde vero lib. VII. de Baptismo scribit: *Nequaquam se dubitaturum habere eos baptismum, qui ubicunque et a quibuscumque illud verbis evangelicis consecratum sine sua simulatione et cum aliqua fide accepissent* (*Cap. 53. n. 102.*). Re proinde melius eliquata jam a sec. IX. Nicolaus I. in responsione ad consulta Bulgarorum affirmavit, valere baptismum ab homine Judæo vel pagano collatum (2); atque id demum, ut vidimus, sanxit concilium oecumenicum Lateran. IV. et postmodum Eu- genius IV. Nullum propterea jam superest dubium circa hujusmodi lavacri valorem, nec videntur ipsi novatores de hoc amplius ambigere.

Sane veritas de valore baptisimi ab infidelibus collati est veluti corollarium alterius veritatis, de valore scilicet baptismi ab haeretico administrati, ex qua tanquam ex suo germine seculorum deuersa evoluta est. Ideo enim baptismus datum ab haereticis valet, quia sacramentum est Christi, minister autem non est nisi instrumentum quo Christus utitur, *juxta splendidissimum Augustini principium: Baptismus a quocumque ministretur, semper est Christi* (5). Hæc porro ratio æque militat pro baptismio collato ab infideli, prout ab Ecclesia declaratum est. Quod si tenet lavacrum ab infideli datum, hoc ipso colligitur, juxta ratiocinationem paulo ante institutum, licet posse compellente necessitate bapti-mum ab eo peti, prout demonstrandum assumpsimus.

DIFFICULTATES. I. Obj. 1. Iis ius competit baptizandi, quibus a Christo ius datum est prædicandi, ut

(1) Nam ipse Calvinus loc. cit. § 16. haereticorum baptisimi valorem ex professo tuerat, ac reliqui reformati et protestantes admittunt.

(2) Apud Harduin, *Acta Conc. tom. V. col. 483.*

(3) Cf. Decret. Gratiani P. 5. de consecrat. Dist. IV. ubi plura congeruntur in hac rem s. Augustini testimonia.

constat ex Matth. XXVIII. porro solis apostolis eorumque legitimis successoribus jus praedicandi tribuit Christus, ergo et baptizandi. 2. Hinc nusquam legimus in Scripturis a laicis administratum esse baptismum. 3. Quare nec s. Gregorius Nazianzenus nec s. Satyrus, licet in evidenti naufragii periculo constituti, existimarent se potuisse a laicis tungi; 4. Aliter etiam poenitentia peti ab ipsis posset, quae post lapsum ejusdem est necessitatibus ac ipsum baptismum. 5. Constitutiones apostolicæ interdicunt laicis usum conferendi baptismum. 6. Cyprianus, Firmilianus, Basilius volebant baptizatos ab episcopis haereticis considerari *tanquam a laicis baptizatos*; id est, invalide juxta eorum principium (1) : 7. S. Hieronymus in dialogo adversus Luciferum concedit a laico poenitendum esse *sacerdotium laici*, seu baptismum ab Ariano episcopo, id est, in eorum hypothesi a laico receptum 8. Quod si concilium Illiberitanum facultatem facit laico baptizandi in necessitatibus casu, adjicit tamen: *Dummodo lavacrum suum integrum habeat, nec sit bigamus*. Ergo.

Resp. Ad. 1. *Dist.* Publice et ex officio, C. privatum et necessitate cogente, N. Nam privatim etiam laici alios docere possunt, prout id praestiterunt Aquila et Priscilla, ut legitur in actis apostolicis (Cap. XVIII. 26 et seq.)

Ad 2. Tr. Ex traditione propterea, perinde ac plura alia doctrinæ capita, talis est depromenda facultas. Ceterum non desunt, qui contendant, Anatianam, a quo baptizatus est Paulus, fuisse simplicem fidem, necon frates illos, a quibus jussu Petri tinctus est Cornelius cum domo sua (2).

Ad 3. Dist. Quia non putarunt se in tali constitutos esse periculo ut Satyrus, ut licite possent a laicis petere baptismum, C. quasi putaverint absolute non posse a laicis baptismum administrari, vel Tr. (3), vel, N.

(1) Epist. s. Basil. CLXXXVIII. ad Amphilioc. cap. 1.

(2) Perperam Turretinus Loco XIX. de Bapt. § 12. evadere tentat, dum respondet pro privatis habendos non esse, qui jussi et auctoritate apostolorum baptismum administrarunt; perperam, inquit, cum Ecclesia in pastorali officio eadem potestate fruatur, qua apostoli donati sunt *tanquam Ecclesie pastores*: si propterea juxta ipsum valide ac licite deputati ab apostolis baptismum contulerent, valide ac licite conferunt ii omnes, qui in necessitate constituti idem sacramentum conferunt, Ecclesia probante, imo et praeciente. Quamvis, si rectius loqui malimus, non ab Ecclesia, sed a Christo ipso hanc potestatem in ejusmodi casibus laici acceperunt, Ecclesia solum interpres Christi voluntatis est.

(3) Tillenmontus in suis *Mémoires pour servir à l'hist. ecclés.*, tom. II. pag. 557. et seqq. censem, validitatem baptismi per laicos collati tunc adiut non satis notam fuisse gracie, ac ne latini quidem omnibus; hoc vero confirmatum ex factis s. Gregorii Nazianzeni ac Satyri, tum auctoritate s. Basili loco a nobis superiori cit. In hanc pariter sententiam concessit Henschenius in *actis sancti mens. maii* tom. II. in annot. ad cap. 2. vita s. Gregorii Nazianz. pag. 379. Cf. etiam Chardon, *Hist. des sacraement.* tom. I. pag. 332. et seq. qui ostendit, Graecos et Orientales sensim ac sine sensu ab ejusmodi rigore recessisse. Addo porro, non levia vestigia in antiquitate reperiri baptismi a laicis administrati, quique ratus habitus sit. Etsi enim daremus falsam esse historiam, quam Rufinus et ex eo Sozomenus aliisque referunt, baptismatis a puerulo Athanasio collati, cum tamen hi historiographi ratum habitum fuisse ab Alexandro episcopo alexandrinco perhibeant ejusmodi lavacrum, secuti ipsi sunt in hac historia referenti sententiam

Ad 4. Dist. Si laici eadem potestate a Christo prediti essent circa poenitentiam ac circa baptismum, C. Si haec instructi non sunt, N. In his tota ratio facti est voluntas facientis. Ex sensu porro Ecclesiæ traditionali constat, a laicis administrari posse baptismum urgente necessitate, non autem sacramentum poenitentiae. Accedit, infantibus non aliter prospici posse, quam per baptismum; aliquod propterea intercedit discriben inter utriusque sacramenti necessitatem.

Ad 5 Interdicunt constitutiones apostolicæ laicis usum administrationis baptismi solemnis et publici, C. privati in necessitatibus casu, N. ut patet ex orationis serie, in qua agitur de munis sacerdotalibus (1).

Ad 6. Dist. Laicis non christianis in ipsorum hypothesi, Tr. vel, C. fidelibus, N. Rebaptizantes ut haereticorum, sic etiam a fortiori infidelium baptismi rejicabant (2).

Ad 7. Dist. Arguendo ab absurdo, ut dicitur, et ad hominem, C. ex propria sententia, N. Contendit scilicet s. doctor non esse deponendos ab episcopatu poenitentes, prout volebant Luciferani, eadem ratione, quia non deponuntur a baptismi rite suscepto poenitentes laici (Cf. *Vallarsium in h. l.*)

Ad 8. Dist. Ut liceat, dignioribus presentibus, C. ut valeat, N. Ita passim doctiores canonistæ obscurum hunc canonom exponunt. Petavius censem reipsa ab his patribus nullum habitum esse baptismum a bigamo collatum (3).

In Oriente receptam de valore hujus sacramenti per laicos collati; id ipsum dicatur de facto, quod refert Joan. Moschus, hebrei nempe arena superfusa a laicis baptizata, quod baptismus ea tantum de causa improbatum est, quod non idonea materia fuerit datum, non autem ex defectu ministri, de quo nemo dubitavit, ut legentibus cap. 176. *Prati spiritualis* patebit; miror propterea haec fugisse diligentiam Tillenmonti.

(1) Sic enim legitur Const. apost. lib. III. cap. 10. « Sed nec laicus permittimus quamlibet sacerdotalium functionum usurpare; ut sacrificium vel baptismus, vel impositionem manus, vel benedictionem tum parvam tum magnam. Non enim *quisquam assumū sibi honorem, sed qui vultur a Deo*. Nam per impositionem manuum episcopi datur haec dignitas. Qui autem eam non habet sibi commisum, sed sibi illam rapuit, Ozie supplicium sustinebit. » Eadem fere legitur lib. VIII. cap. 46. necon lib. II. cap. 17. Ceterum de necessitate in toto hoc opere nec verbum quidem. Cf. eruditam adnot. 72. Cotelerii ad cap. 9. lib. III. constit. apost.

(2) Hunc esse sensum rebaptizantium, non obscure coligitur ex epist. Firmiliani pag. 149. et 150. edit. Maur. Refrageria tamen Petavius loco hoc operi nec verbum quidem. Cf. Basilio.

(3) In animadv. ad expositionem fidei s. Epiph. pag. 541. Cf. tamen Card. Aguirre in adnot. in hunc eam, qui integer ita se habet: « Peregre navigantes, aut si Ecclesia in proximo non fuerit, posse fidem, qui lavacrum suum integrum habet, nec sit bigamus baptizare in necessitate, ita ut si supervixerit, ad episcopum eum perducat, ut per manus impositionem perfici possit. » Jam vero doctus hic auctor verba illa: *qui lavacrum suum integrum habet*, exponit de eo, qui gravi aliqui culpa post baptismum non se inquinaverit, neque poenitentiam ullam subierit; prout jam pariter ea exposuerat Albasinaeus. Ex his autem verbis intelligitur concilium majoris tantum decentiae causa statuisse, ut conferendo baptismus in necessitate casu præferatur agamus et culpa vacuus bigamo ac peccatori seu poenitent. Actio enim baptizandi per se spectat ad officium sacerdotale, nil mirum proinde si patres concilii Illiberitani in ejus ministerio *quāvis laico* requisierint quod eo ejus fieri potui, ut propius accederent ad disciplinam sacerdotalem. Quo refertur celebre illud Tertulliani effatum in lib. *de pudicitia*, de qua suo loco fusius agemus, « Ubi ecclesiastici ordinis non est consensus et tinges, et offens

II. Obj. Invalidum, aut saltem illicitum erit censendum baptismus a feminis administratum. Consentant enim veteres *παροξυστικός* illegitimum esse; Tertullianus: *Non permittitur, inquit, mulieri in Ecclesia loqui, sed nec docere, nec tingere nec offerre* (*Lib. de virginibus velandis. c. 9.*) mulieres propterea, quae tingere audebant vocat *peulantes et procaces* (*De Prescript. cap. 41.*). S. Epiphanius hac ipsa de causa reprehendit Marcionitas et Pepuzianos (*Hæresi XLII. cap. 4. edit. Petav.*); Concilium Carthagin. IV. can. C. statuit: *Mulier baptizare non præsumat* (*Apud Hard. Acta conc. tom. I. col. 984.*) Perperam porro additur a Gratiano et Magistro sententia. *Nisi cogente necessitate* (*Gratianus in decreto P. III. de consecr.* *Dist. IV. cap. Mulier. ed. cit. Magister sent. lib. IV. D. 6.*) quae clausula concilii non est. Ergo.

Res. Tr. vel Neg. A. Exploratum enim est, nondum atate illa excitatam fuisse questionem de valore baptismi dati ab infideli, hinc nullum documentum afferri potest ex patribus antiquioribus, quod directe aut faveat, aut adversetur ejusmodi baptismi valori. Dixi *directe*: Siquidem veritas haec, ut innuimus, velut in germe continebatur in doctrina de valore baptismi ab haereticis collati, qui ideo valet juxta patrum doctrinam, quia hujus sacramenti minister in nomine et auctoritate Christi agit. Haec enim præter traditionem est ratio potissima ab ipsis adducta, ac præsertim a s. Augustino, prout superius vidimus, ut conficeretur validum esse haereticorum lavacrum. Haec autem ratio æque militat pro valore baptismi dati ab infideli, quia, spectata summa hujus sacramenti necessitate, Christus voluit, ut ministri qualitas seu conditio ejus valori minime obsisteret, quod progressu temporis Ecclesia voluntatis ejus interpres declaravit. Rationes reliqua subsidiariae potius sunt quam decretoriae. Accedit, nondum tunc temporis satis eliqua controversia de valore baptismi collati ab haereticis, nihil mirum esse, si nonnulli inter patres visi sunt vel abjicere, vel saltem dubitare de baptismate a pagano administrato. Atque exinde patet responsio ad similique que objecta sunt.

Ceterum s. Hieronymus in testimonio, quod ex n. 42. Dialogi adversus luciferianos prolatum est, loquitur de eo qui orthodoxus ab haeretico factus perhibetur, non autem de eo qui simpliciter christianus effectus sit, seu baptizatus, ut constat ex tota orationis serie, in qua sermo est de homine ab aria-nis tincto.

Capitularia ab Angeliso et Benedicto collecta, juxta Natalem Alexandrum loquuntur in cit. locis de baptismō, in quo neque servata fuerit forma, neque Ecclesiæ ritus. Haec sane videtur unica ratio conciliandi capitularia illa inter se. Nam ibid., lib. V. cap VI legitur: *Si quis baptizatus est a presbytero non baptizato, et sancta Trinitas in ipso baptismo invocata fuit, baptizatus est* (1).

CAPUT IV. DE BAPTISMI SUBJECTO.

Ex lutherano systemate de justificatione per solam fidem obtinenda, intulit Storchius anabaptistarum patens, rebaptizandos esse eos omnes, qui in infancia fuerant abluti, utpote fidei actualis incapaces (2). Servetus pariter inficiatus est, infantes tinge-

et sacerdos es tibi solus... *diganus offers, digamus tinges?* Exploratum igitur est, in objecto canone non agi de baptismi valore a poenitente, aut bigamo collati.

(1) *De prescript. loc. cit. Cf. de baptismō a muliere collato eruditum Cotelerium in lib. III. const. apostolic. nota 72. ad cap. 9. et n. 73. ad cap. 10.*

(2) Haec interpretatio est s. Thomæ 3. P. q. 67. a. 4. ad 1. ac alteri præferenda videatur data a Gratiano et Petro Lombardo; quamvis et istorum expositionem ex sese veram exhibeat, imo et priorem supponat.